

VISOKI PREDSTAVNIK I PREDSJEDNISTVO BiH RAZGOVARALI O RAZVOJU JAVNOG RTV SERVISA (PBS)

Visoki predstavnik, Wolfgang Petritsch, je danas razgovarao sa članovima Predsjedništva BiH o razvoju Javnog RTV servisa Bosne i Hercegovine (PBS).

Visoki predstavnik je u razgovoru sa Predsjedništvom BiH istakao da smatra da je PBS BiH od sustinske važnosti za implementaciju Mirovnog sporazuma. Visoki predstavnik je naglasio da je veoma važno da se naslijeđena "državna" RTV zamijeni sa istinskim javnim elektronskim medijima koji će biti u službi informiranja javnosti i u čijem radu se neće osjećati politički uticaji ili etničke predrasude. Ranije strukture koje su ostale nakon rata i iz sistema bivše Jugoslavije moraju biti zamijenjene efikasnim organizacijama sa nezavisnom uredjivackom politikom i transparentnim financiranjem. Kvalitetni elektronski mediji trebaju oslikavati razlicitosti kulturnih identiteta koji su zastupljeni u Bosni i Hercegovini.

Visoki predstavnik je rekao da će entitetske radio-televizije i dalje imati važnu ulogu u obavještavanju svog gledateljstva. Visoki predstavnik je rekao da od PBS-a očekuje realiziranje večernjih vijesti koje će se istovremeno emitirati u oba Entiteta.

Visoki predstavnik je obavijestio Predsjedništvo da je PBS BiH primljen u članstvo Unije evropskih elektronskih medija (EBU). Ovo predstavlja izuzetno ohrabrujući korak koji će omogućiti emitiranje sportskih i drugih atraktivnih programa sirom zemlje i za sve građane BiH, uključujući i emitiranje

Olimpijskih igra iz Sidneja. Odluka EBU oznacava pocetak novog razdoblja za elektronske medije u ovoj zemlji.

Osvrnuvsi se se na rad Agenta za transfer imovine, Visoki predstavnik je rekao da ne bi trebalo podcijeniti obim problema koji su naslijedjeni iz bivseg sistema elektronskih medija. Detaljna finansijska i tehnicka analiza je pokazala da je neophodno izvrstiti brojne promjene u cilju uskladjivanja rada javnih elektronskih medija sa postojecim evropskim standardima i praksom.

Agent za transfer imovine je objasnio Predsjednistvu da priprema odluku o podjeli imovine, u skladu sa zahtjevom navedenim u odluci iz jula 1999. godine kojom je uspostavljen PBS. Agent je rekao da preferira novu strukturu koja ce omoguciti entitetskim radio-televizijama i PBS-u da usmjere svoje aktivnosti na stvaranje programa, sto predstavlja njihov osnovni zadatak. Imovinom i tehnickim sredstvima ce upravljati zasebne organizacije, sto bi odrazilo trenutne trendove evropskih radio-televizija.

Visoki predstavnik je odbacio informacije koje su se nedavno pojavile u stampi a u kojima se navodi da je Osnivacki odbor PBS-a raspusten. Visoki predstavnik je naglasio vaznost rada Osnivackog odbora i da se njegove odluke donose bez politickog uticaja.

Visoki predstavnik i clanovi Predsjednistva su se saglasili da je profesionalni i nezavisni sektor javnog emitiranja od osnovne vaznosti za razvoj demokratije i pluralizma u BiH.